

La dot. **Mahlknecht é demez** ai 21 y 22 de merz. Sostitut dot. Agreiter 333 13 80 852

PLOANIES SAN MARTIN Y LUNGIARÜ

Cun le 01 de setëMBER vëgnel restrotoré l'Ordinariat dla Diojeza. I ofizi che ê cina sëgn despartis por todësc/ladins y talians vëgn metüs adöm. **Insciö á le vësko nominé** siur Eugen Runggaldier, che ê cina sëgn surastant dl Ofize Pastoral, vicar general por düc i trëi grups linguistics. Surastant dl Ofize Pastoral él gnü nominé Reinhard Demetz, che é sté dal 2013 al 2015 secreter dla Sinoda. Siur Michele Tomasi, che ê vicar general por i talians, é gnü nominé vicar dl vësko, che é competënt por i raporc cun i proi y i diacons. Siur Josef Matzneller, che é sté 20 agn vicar general por todësc y ladins vá en ponsiun; a d'ël dër n bel dilan y por les inciaries nôies periunse do la benedisciun de Dî.

En chësc lönesc toma fora l'incuntada de Carsëma a San Martin, mo spo por le lönesc, ai 21 de merz, é düc chi da San Martin y da Lungiarü dër bel invia dales 19.30 tl salf di stödafüch a San Martin a na incuntada cun **siur ploan Iaco Ploner che nes condejará ite tla liturgia dla jöbia, dl vëndres y dla sabeda dl'Edema Santa**. Cun la domënia de Pasca vëgnel zelebré en chisc dis le contignü prinzipal de nosta fede. Porchël él dërt ch'i tolunse pert y ch'i savunse spo ci ch'i festejun.

Al vëgn recordé la **oraziun de Taizé** sö oies en vëndres, ai 18 de merz, dales 20.00.

Incö vëgnel venü do mëssa dan dljia primules y violes por la **Krebshilfe**.

En domënia, ai 20 de merz, dales 16.00, sëise invia a Bornech tla Dljia di Capuzineri a n **Cianté de Carsëma**, organisé dal Südtiroler Volksmusikkreis.

SAN MARTIN

Incö, domënia, 13/03, vëgnel tigni do mëssa **n referat por i ëi da siur Sepl Granruaz** ia tl salf di Stödafüch; i sëis düc dër bel invia.

I s'invian ince dër bel n sabeda (19/03) dales 18.30 ala **mëssa ciantada en onü de S. Ujöp y dedô al batadü** dla uniun di ëi ia tl salf di stödafüch; düc i ëi é dër bel invia.

Bel dilan dles **ofertes en recort de Artur Conrater**: *por la dljia da San Martin*: da Cassa Raiffeisen VB; Uniun Sport Diletanc; Sozieté SEA; fam. Adalrich Dasser; fam. Pepi Dejaco; fam. Paolo y Daniela Vanzi; fam. Heinz y Martina Videsott; fam. Tone Gasser; fam. Hubert Pezzei; fam. Thomas Rubatscher; fam. Elmar Clara; fam. Giovanni y Maria Mischi; fam. Paolo y Patrizia Burchia; *por mantignimënt cortina*: da Ida Aiarei y Claudio Moling; *por la dljia da Picolin*: da compaignes de Margareth, Consëi de comun S. Martin, Pasquale y Irene; Erika, Maddalena y Andrea Trebo cun families; *por Familien in Not*: da sü jormans; *por mësses*: families Comploj Runcac.

LUNGIARÜ

La Uniun di Seniors da Lungiarü invieia düc i seniors, ëi y ëres, al 01 d'auri (vëndres) dales 14.00 a **chidlé fora Al Plan**. Le cost surantol la Uniun. Prëibel prenotesse cina en mertesc, 22 de merz, pro Annelies 0474 590 067. Gnide ma, ince sc'i n'ëis mai chidlé.

Bel dilan dles **spënores por la dljia da Lungiarü** da Fefa Schanung y Wally Pescoller

I jogn da San Martin, Lungiarü y Antermëia vá en domënia ai 20 de merz sön Börz cun la liösa. I s'abinun dales 12.30 sö da Fritz olach'i ciafun na buna pasta (10€ zënza boanda). Dedô gnunse jö cun la liösa. Al é da se prenoté cina en sabeda ai 19 da misdé por San Martin pro Alan 333 44 29 889 y por Lungiarü pro Melanie 340 35 28 383.

Tla **Spona a Pidrô** vëgnel inaudé en domënia, ai 20 d'auri, dales 15.00, na picia botëga cun esposiziun di laürs. Dedô jüch por i mëndri y n pice renfrësch por sté adöm.



www.unitepastorala.org

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

13.03. - 20.03.16 nr. 16

termo da publiché: jöbia 20.00
radio: 90,40 / 93,70



5ª DOMËNIA DE CARSËMA C

Vangele do Lüca 8,1-11

Ai ti â ti a Gejü: Maester, chësta ëra é gnüda abinada sö fat ch'ara rompî le matrimone.

⁵Mosè nes à scrit dant tla lege che de te' ëres é da spedrè.

Śëgn, ci nen dijeste pa tö?

Gejü indere s'á cufé jö

y s'á metü a scri cun le dëit ia por tera.

Canch'ai sighitâ da le damanè inant,

él lovè sö y ti à dît:

Chël de os che é zënza picé

dess por pröm sciurè na pera cuntra d'ëra.

Do ch'ai â albü aldî súa resposta,

s'un ési jüs un indolater, danfora i plü vedli.

Gejü é romagnü indô su cun l'ëra che ê ciàmò dailò amez.

Ëra, olâ ési pa? Ne t'á condanè degügn?

Ara à respognü: Degügn, Signur.

Dailò ti à dît Gejü: Gnanca iö ne te condanëii.

Va, y da śëgn inant no plü fâ picé!

I ne savun nia ci che Gejü â scrit inlaota tl saurun. Mo i savun ci ch'al á scrit te nosc cör: Ne iudichede nia porsura d'atri, por che os ne gnëise nia condanâ. Pordenede impede iudiché. La grazia stá sura la lege.

Tla pröma letöra dij le Signur:

„Ne ponsede plü a ci che é plü dadî;

a ci che é passé ne desses nia ti mëte averda. Ciarede ca, i feji val' de nü.“

Ince sc'i á lit chësc vangele bele n gröm de iadi, pói le lí incö te n spirit nü.

Preiudizi y condanes da denant ne vel nia plü. Chi che se sintí stluc fora,

pó indô sté ite danü. Trus nüs se deura – Pasca é daimpró!



	SAN MARTIN		LUNGIARÜ
13.03.16 5ª DOMËNIA DE CARSËMA C	9.00 Staziuns 9.30 Gran Mëssa por la comunité 10.15 Referat por i Èi cun siur Sepl Granruaz tì salf di stödafüch 11.00 Bato de Mattia Rigato 14.00 Bato de Manuel Planatscher	13.03.16 Domënia	7.55 Staziuns y confesciuns 8.15 Gran Mëssa por la comunité
14.03.16 Lönesc <i>Metilde, Conrad</i>	14.15 Confesciun di scholars dl'elementara 20.00 Sentada dl'Unité Pastoral a tì Istitut Ladin	14.03.16 Lönesc	17.00 Les Staziuns
15.03.16 Dedolönesc <i>Clemens Maria H., Luisa</i>	19.30 Mëssa families de Albert Moling + + Emma y Albert Conrater + Aristide Brivio	15.03.16 Mertesc	7.30 Zelebrazion dla Parora de Dî
16.03.16 Dedemesaledema <i>Herbert da Köln, Ilare</i>	19.30 Les Staziuns	16.03.16 Mercui	7.50 Mëssa di scholars por i nusc Annamaria y Tobias Clara + + geniturs de Renate y Pire Clara + + Nicl y Zilia Pescoller
17.03.16 Jöbia <i>Patrich, Gertrud</i>	7.30 Mëssa di scholars familia Marino Clara + Giovanni Sorá (dl ann) + Maria Unterweger Corona por vocaziuns	17.03.16 Jöbia	14.30 Confesciun di Comunicanc 19.30 Zelebrazion dla Penitënza por Pasca
18.03.16 Vëndres <i>Ziril, Eduard, Anselm</i>	19.30 Zelebrazion dla Penitënza por Pasca	18.03.16 Vëndres	7.30 Mëssa + Emma Pezzei + Veronica Costa + Teresa Daverda
19.03.16 Sabeda - Sant Ujöp <i>Festa dl Pere</i>	15.30 Mëssa tla Ciasa de Palsa 18.30 Mëssa en onú de Sant Ujöp por la Uniun di Èi + Sepl Ferdigg + Alfred Zingerle y + Giovanni Comploi + + Videsott, Picolin <i>dedô é düc i èi invia ia tì salf di stödafüch al batadú</i>	19.03.16 Sabeda	20.00 Mëssa en onú de Sant Ujöp 3ª de sopoltöra de Johanna Schanung + Teresa Daverda 20.45 Istruzion di Èi tì salf dl paisc
20.03.16 DOMËNIA DAL ORÍ C	10.00 Benediscion dl orí dan calonia y ingres Pasciun rapresentada dai Confermá Eucaristia <i>dal ingres é düc invia da cianté le refrain „Lalda Ierusalem“</i>	20.03.16 Domënia	7.55 Staziuns 8.15 Benediscion dl orí dan scora y ingres Pasciun do S. Lúca y Eucaristia <i>dal ingres é düc invia da cianté le refrain „Lalda Ierusalem“</i>